

Hytte-avfall i fokus



Dette kan vera ei mogleg løysing for hytteavfallet.

Har du som er hytteeigar i SIM-området, lurt på kvar det er blitt av papirkonteinarene? Går det an å kjeldesortera på hytta? Kan dagens hytterenasjon bli betre for hytteeigarar og for naturen?

Det er sett ned ei arbeidsgruppe som går gjennom heile ordninga med renovasjon for fritidsbustader. Grappa tek for seg tenestetilbod, kostnader og omfang av kjeldesortering, og skal prøva å finna best moglege løysingar med konteinrar og dunkar. Det er valt ut tre prøvekommunar: Kvinnherad, Tysnes og Austevoll.

Det er ein representant frå kvar av dei tre kommunane i arbeidsgruppa i tillegg til ein representant frå SIM.

Etter at 3-dunk-ordninga er blitt innført for fastbuande i SIM-kommunane, er papirkonteinarene blitt fjerna. Dessutan kan ein ikkje lenger setja ut svarte bossekker langs renovasjonsruta. I samband med dette er det sendt ut eit eige skriv til dei som eig fritidsbustad.

Små innkastluker

I dag er det lagt opp til eit bringesystem for hyttefolk, dvs. at ein sjølv må ta med
forts. på siste side

Tilbodet per i dag

Korleis kvitta seg med hytteavfall før det nye prosjektet vert sett ut i livet? Sjå s. 2

Hyttekonteinrar

Røynsleane tilseier at det er mykje feilbruk av hyttekonteinrar. SIM håpar å redusera dette problemet. Sjå s. 3

Heimekompostering på hytta?



Det vil vera ei føremon om minst mogleg matavfall kjem i hyttebeholdaren, då det er dette avfallet som skaper luktproblem. Det er heller ikkje ynskjeleg at ein slik ressurs hamnar på fyllinga, og skapar miljølempen der.

SIM oppmodar hyttefolk å enten heimekompostera på hytta, eller å ta med matavfallet heim til biodunken/kompostbingen for dei som har det. SIM heldt kurs i heimekompostering i alle medlemskommunane årleg. Ta gjerne kontakt med SIM for meir informasjon.

4300 hytteabonnentar i SIM

Kommunane i SIM lokkar tydelegvis til hytteliv. Det er registrert over 4300 hytter i dei sju medlemskommunane, og alle kommunane, utanom Stord, har tvungen hytte-renoasjon.

Tilbodet som gjeld i dag

Korleis skal ein kvitta seg med avfallet på hytta før det nye prosjektet vert sett ut i livet?

Hyttekonteinarar

Hovudsakleg store samlekonteinarar og nokre 660 liter dunkar som er plasserte på sentrale plassar og ved hyttefelt.

Eigne trilledunkar

Det er tidlegare blitt informert om at abonnentar med fritidsbustad har tilbod om eigne trilledunkar for bio-, papir- og restavfall etter innføringa av 3-dunk-ordninga for fastbuande. Dette har vore svært lite etterspurt, noko SIM trur skuldast at det passar dårleg for mange å setja ut og henta inn trilledunken etter tømmeruta når ein ikkje bur på staden permanent. Dessutan må ein betala ei ekstra avgift for desse dunkane i tillegg til det vanlege renovasjonsgebyret.

Ekstrasekker for restavfall

Det er høve til å kjøpa ekstrasekker for restavfall som kan setjast fram til bosbilen ein gong i månaden, når det er henting av restavfall (sjå tømekalenderen som er sendt ut tidlegare). Desse



Hyttefolk har tilbod om ein eller fleire trilledunkar, og må tinga desse hjå SIM.


sekkene er grå, er merkte med «ekstrasekk for restavfall» og er til sals hos teknisk etat og miljøsentralen i kommunen for 25 kr. per stk.

Returpunkt

I tillegg til hyttekonteinarane er det plassert ut glas- og kleskonteinarar rundt om i kommunen.

På miljøsentralen kan ein levera kvitevarer, spesialavfall, hageavfall, trevirke, metall, mjukplast, papp og restavfall. Dette tilbodet er gratis for private dersom avfallet er sortert.

Sjå opningstider på baksida av bladet.



Bruk av hyttekonteinarar

Hyttekonteinarane skal brukast til det same avfallet som fastbuande hiv i dei tre dunkane sine.

Både hyttefolk og fastbuande må levera grovavfallet og spesialavfallet sitt til næraste miljøsentral og kan ikkje levera slikt avfall i hyttekonteinaren. Dei fleste konteinarane har førebels store innkastluker. Røynslene så langt

tilseier at det er mykje feilbruk av hyttekonteinarane, og SIM håpar å redusera dette problemet ved å gå over til små innkastluker. Det er allereie plassert ut nokre hyttekonteinarar med små innkastluker. Problemet er at ikkje alle aksepterer eller skjønner at avfallet må puttast i mindre posar når ein brukar desse, og det hender at avfallet vert plassert utanfor konteinaren.



Miljøkonteinar med små innkastluker, krev at ein pakk avfallet i mindre posar.

Utleige av private hytter

For deg som leiger ut fritidsbustaden, er det viktig at leigebuarane vert informerte om kva ein skal gjera med boset,

t.d. at avfallet må pakkast slik at ein får det inn i behaldaren og ikkje set det utanfor.

Full konteinar?

Hyttekonteinarane er for hyttefolk.

I sommarsesongen vert hyttekonteinarane tømde fast ein gong i veka. Utover dette vert det ekstra tøming når det er trang for det. Det hender diverre at hyttefolk ikkje får tømte hushaldsavfallet sitt fordi behaldaren er full. Dette må misbruken av

hyttekonteinarane ta noko av skulda for. Overfylte konteinarar fører til forsøpling av området, og det vert ofte eit problem at fuglar strør avfallet utover.

Det hender og at parkering framfor konteinaren gjer at tømebilen ikkje kjem til for å tømme. Gje melding til SIM dersom dette er eit problem.



NOTISAR

Sommaropning

Tysnes miljøsentral, Eredalen, held ope laurdag 11. juli i tillegg til dei faste opnings-tidene.

Slamtøming i Tysnes

I samband med tøming av septiktankar på fritidshus i Tysnes kommune vart det sendt ut eit brev frå Svein Klungtveit AS, som er det firmaet som gjennomfører tøminga for SIM.

Diverre var det feil informasjon i brevet, noko me seier oss leie for. I brevet gjekk det fram at «dei tankane som ligg slik til at dei praktisk ikkje let seg tømme, vil verta fritekne frå ordninga». Dette er altså ikkje tilfelle, og dei mange som har teke kontakt med kommunen har fått det same svaret.

Det vil bli sendt ut eit nytt varsel om tøming av septiktankar i kommunen i næraste framtid.

Metallemballasje



Om ikkje lenge vert returpunkta truleg utvida med utsortering av metall-emballasje. Den praktiske gjennomføringa av dette er ikkje på plass i SIM, så derfor må slikt avfall framleis gå i restavfallet.

Bergensområdets Interkommunale Renovasjons-selskap (BiR) er allereie komen i gang med å ta imot metall-emballasje til attvinning, og leverer no denne type avfall i lag med glaset.

OBS! Dei som bur i BiR og har hytte i SIM må vera oppmerksom på denne skilnaden.



Sendar:
Sunnhordland
Interkommunale
Miljøverk,
Svartasmoget,
N-5419 Fitjar

OFFENTLEG INFORMASJON



Prosjekt hytte-avfall forts. frå s. 1

seg avfallet fram til næraste hyttebeholdar. Dette vil me også satsa på vidare, men no er planen at dei fleste store beholdarane skal byttast ut med dunkar på 600-700 liter. Det skal plasserast ut to og to dunkar rundt om, ein for papir og ein for det andre avfallet. Dette vil føra til nærare bringepunkt for mange, i tillegg til at det vert mogleg å sortera ut papiret.

Nokre stader vil det framleis vera naturleg å ha større konteinrar, ved svært spreidd busetnad, båthamner o.l. Felles for begge løysingane, er at det vert små innkastluker på beholdarane.

Innspel

Hytteeigarane i dei tre prøvekommunane, Austevoll, Kvinnherad og Tysnes, vart i vinter inviterte til å koma med innspel til løysingar for hytterenasjonen. Det vart sendt ut om lag 3500 brev, og responsen var bra.

Konklusjonane som vart trekte ut frå tilbakemeldingane, kan summerast slik: Mange er nøgde med dagens ordning, som er ein stor behaldar for blanda avfall. Dei fleste er likevel interesserte i å kjeldesortera dersom det vert lagt til rette for det.

Andre meiner dei ikkje nyttar seg av tilbodet for hytterenasjon fordi det er enklare å ta boset sitt med heim, og vil difor sleppa billegare unna. Svært mange tykkjer dei betaler mykje i gebyr, sett i høve til kor mange dagar i året hytta vert brukt. Dessutan er det observert mykje feilbruk av hyttekonteinrar, noko som er til irritasjon når resultatet ofte er fulle konteinrar med bos rundt. Prosjektgruppa takkar for alle innspel og skal ta dei med i den lokale planlegginga.

Sommaren 1999

Det er planen å prøva ut den nye renovasjonsordninga i dei tre kommunane sommaren -99. Hovudlinjene byrjar å

falla på plass, men det gjenstår ein del arbeid på detaljnivå. Dessutan tek det tid å få laga behaldarane og få avklart med grunneigarane kvar desse kan plasserast. Denne gongen ynskjer SIM i lag med hytteeigarane å gjera det meir hyggeleg rundt hyttebeholdarane enn det som er tilfelle mange stader i dag. Håpet er at dei som er saman om hyttebeholdarane, skal få lyst til å stella fint både med dunkar og området rundt, og at andre ikkje tek seg til rette. Det er for tidleg å seia noko om kostnadene med ny hytterenasjon. SIM minner om at det er den enkelte kommune som avgjer kva renovasjonsgebyret for fritidsbustader skal vera.



Reksteren

Allereie denne sommaren vil SIM setja ut ein dunk for papir og ein dunk for restavfall med små innkastluker som eit lite prøveprosjekt på Reksteren på

Tysnes. Det er ynskjeleg å sjå korleis dette vert motteke i liten skala i fyrste omgang. Planen er å setja ut 15 sett med to dunkar rundt om i området. Dunkane vil vera merkte med papir og restavfall.



Ingen ynskjer at søppel skal flyta. SIM si oppgave er å leggja til rette for å unngå problemet, men er avhengig av at den einskilde følgjer opp. Ha ein fin ferie!

Opningstider miljøsentralane

Austevoll

Porsdalen
torsdag 9 00 - 18 30
tlf 56 18 56 42
tlf tekn. etat 56 18 03 00

Bømlo

Hollundsdalen
måndag og tysdag 13 00 - 15 00
torsdag 13 00 - 18 00
tlf 53 42 31 60
tlf tekn. etat 53 42 31 11

Fitjar og Stord

Svartasmoget
måndag 8 00 - 18 00
tysdag - fredag 8 00 - 15 30
annankvar laurdag 9 00 - 12 00
(veker med partal vekennummer: 2, 4, 6...)
Mottak for spesialavfall også på Vabakkjen, Stord, same opningstid som bensinstasjonen.

Kvinnherad

Husnes industriområde
måndag 12 00 - 19 00
onsdag 07 00 - 15 00
fredag 07 00 - 11 00
tlf 53 47 13 90
tekn. etat 53 48 31 00

Sveio

Sveiaßen
måndag 12 00 - 18 00
tlf 52 74 06 95
eller 946 12 633
tekn. etat 52 74 01 00

Tysnes

Eredalen
tysdag 07 00 - 15 00
siste laurdag kvar
månad: 8 00 - 14 00
tlf 53 43 16 01

Sunnhordland Interkommunale Miljøverk

Svartasmoget,
N-5419 Fitjar
telefon 53 45 78 50
telefaks 53 45 78 60
e-post: simsim@online-no

Redaksjonen avslutta 17.06.1998
Trykt på resirkulert papir (Cyclus 140 g)
Grafisk produksjon: IBOX AS
Illustrasjonar: Solveig Andersen